

## ANCONA – TARDE = 2 A 1...STE' FACEVE 'NU BELLE SUENNE...

L'ha mann't Aldo "Diecipalazzine"

lunedì 09 giugno 2008

Ultimo aggiornamento domenica 15 giugno 2008

Catà! Catààààà! Uezéte ca a scé a fatijà! Sì de prime turne osce; manisciate ca face tarde! Méne bbelle mène!&hellip; Aspitte Mari! Stè facéve &lsquo;nu belle suènne. Ce te stè sunnave qualche frusckulona ? Ognettande te sendéve sckamà accom&rsquo; a &lsquo;nu jattùdde.

None Mari ! Cè feméne e feméne&hellip; abbunesinne me stè sunnave ca &lsquo;u Tarde nuèstre se stè sciucàve &lsquo;a finale pe &lsquo;nglianare in serie B e vingèmm. Matòò Mari aviva vedèèèè&hellip; stave &lsquo;a cittade totta pettate de bandiere rosse e blu, palazze, strade, chiazze rosse e blu&hellip; pure &lsquo;a munnezze ca stave ndèrre eve rosse e blu. E po&rsquo;, Mari quanne &lsquo;u Tarde ha segnàte m&rsquo;hagghje menate de cape indr&rsquo;a fundane de Chiazze Ebaglie, Marii redéve e chiangéve&hellip; chiangéve e redéve.

Mène carnevale! Muevéte ca è tarde&hellip;Tune hè pèrse &lsquo;a cape pe stù cazze de pallone&hellip; tutte le dumeneche scappe e fusce, no nne face pigghjà rigitte. &lsquo;A mezzadje piatte pronde e te gnutte tutte quidde bene de Ddije arraggjate arraggjate, te viste accome &lsquo;a n u purecenelle rosse e blu, te futte &lsquo;na trequarte de Raffè e te ne fuce&hellip;e baste mòòò! Ma ce tténe stu pallone, &lsquo;u zucchére? Seee Marii&hellip; &rsquo;u Tarde nuèstre jè&hellip; accome te pozze spiegà? Nonge jè sule &lsquo;na partite&hellip; jè &lsquo;na tradizione. Pe tte spiegà megghje&hellip; accome alle Mistere, &lsquo;a &lsquo;Ndulrate, &lsquo;a prucessione de Sande Catavéte&hellip; &rsquo;na cose ca &lsquo;nuje, maschele de Tàrde, ame avùte dall&rsquo;attane nuèstre. &lsquo;A ccasa meje quiste evéne le cose &lsquo;mbortande&hellip; &rsquo;a fatije, &lsquo;a varchedde, le cozze, le tradizziune religiose&hellip; e &lsquo;u Tarde. &lsquo;A dumeneche po&rsquo; scéve a messe cu Mammà, Papà s&rsquo;accattave &lsquo;u giornale, annucéve le cozze, pigghjave doje pastaredde fresche, mangiamme le chiangarelle c&rsquo;u sughe, le pulpijtte e po&rsquo; me dàve a mane e me purtave o cambe&hellip; Papà mi je&hellip;. Naaa Ce stè fface mòòò? Stè cchiange? Ce jè? Nijnde Marii, nijnde, &lsquo;u fatte jè ca attaneme, qunne muri, me dici&hellip; figghje mi je vogghje ca tu stè bbuene e ca quanne &lsquo;a dumeneche scioche &lsquo;u Tarde t&rsquo;azzettà o stèsse poste addò ne zzettamme nuije assieme &lsquo;o nonne tue&hellip; ma n&rsquo;otra cose t&rsquo;hagghj&rsquo;a dicére&hellip; ce turname in serie B&hellip; famme &lsquo;nu piacere&hellip; pigghje doje fiure, une russe e n&rsquo;otre blu e puertemele ! Mène mo Catà ca face tarde a fatije&hellip; ma famme capì ! Accome &lsquo;a sciute a ffini st&rsquo;anne &lsquo;u cambionate? Nijnde Marii, com&rsquo;a sciute a ffini? Le fiure&hellip; ponne aspettà pure pe st&rsquo;anne! E mmò famme scè menà indr&rsquo;a quedda fetenzije d&rsquo;u Sidellurgeche&hellip; tande aquà putime sule sunnà!